



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 55. Valentini Gentilis historia, ejusque errores.

---

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI.A.C. 1558.

Cum igitur Calvinus Parisienses Sectatores suos hac ratione ad seditionem concitasset, insuper in Helvetia nullum non movebat lapidem, ut Bernenses ad perpetuum fœdus cum Genevensibus ineundum permoveret. Nec suo labori optatus deerat exitus; quapropter secundo hoc successu inflatus cuncta sibi, suisque affectis prospera pollicebatur. Interim id omnino extra dubium est, quod indies præcipue in hisce Provinciis ipsius auctoritas magis, magisque invaluerit. Ast sicut unus erroris monstrum semper fœcunda alterius peioris Mater existit, ita tum plures alii varii generis hæretici exurgebant, qui mutuæ invidiæ, ac æmulationis studio incitati, ceteris prædominari, suam vero sectam præ cunctis aliis celebrare gestiebant: quapropter Calvinus propter mutuas hæc dissensiones haud immerito, ne sua factio solido fulcro firmari posset, pertimescere cœperat, vel saltem probe cognoverat, quod sua secta ceteris sola haud prævalitura sit: unde inter omnes reliquos hæreticos nullius alterius, quam Valentini Gentilis progressus sistere nitebatur.

§. LV.

*Valentini Gentilis Historia, ejusque errores.*

Hic

**H**ic idem Gentilis Arii hæresin resu-  
 scitans Divinam Christi naturam  
 inficiabatur, jamque plurimos a veræ  
 fidei semita abduxerat, cujus jam vitæ  
 historiam ab alto repetere, haud in-  
 consultum erit. Valentinus Gentilis Co-  
 sentiæ in Neapolis Regno natus dein  
 in sæculo decimo sexto duntaxat dog-  
 matum suorum perversitate, ac calami-  
 tatibus, quas sibi accersiverat, inclare-  
 scebat. Hic idem erat ex illis, qui Vi-  
 centiani conventiculi Anno Christi mil-  
 lesimo quingentesimo quadragesimo sex-  
 to Authores exstiterè, postquam vero  
 isti nocturni congressus fuerant prohi-  
 biti, Valentinus relicta Italia Genevam  
 pervenit, ubi novæ aggregabatur Ec-  
 clesiæ, quam plures ex Italia familiæ  
 spuriam Calvinii reformationem ample-  
 xuræ constituebant, atque ex iis præ-  
 cipui erant Blandratus, Joannes Pau-  
 lus Alciatus, Matthæus Gribaldus, &  
 nonnulli alii turbidæ indolis juvenes,  
 qui circa SS. Triadis mysterium, nec  
 non illa verba: *essentia, Persona, con-*  
*substantialis*: sublimia dubia movere af-  
 fectabant, quin tamen adhuc sua ve-  
 nena publice effunderent, nam dunta-  
 xat clam, ac per privata scripta id fa-  
 ciebant. His igitur disputationibus Gen-  
 tilis quoque intererat, ac tam suorum  
 dogmatum novitate, quam insolitis vo-  
 cibus,

Sæcul XVI.

A.C. 1558.

Beza &  
 Melchior  
 Adam in vita  
 Calvinii hoc  
 ann. Bened.  
 Aretius hist.  
 condemn.  
 Valent.  
 Gent. n. I.  
 p. 46.

H 3

cibus,

Sæcul. XVI. A.C. 1558 non parum ad hoc contulit, ut novi hi  
 Arianæ audacia, & temeritate crescerent, quorum errores præcipue ad hæc capita redigebantur. I. „Tria dantur  
 „in Trinitate, essentia, quæ est proprie Pater, dein Filius, & Spiritus  
 „sanctus. II. Pater erat unicus Deus  
 „Israelis, legis, & Prophetarum, solusque Deus verus, & *essentiator*; Filius enim non nisi essentiatus, ac præcario Deus est. III. Sophistarum commentum est, dicere, quod Pater sit  
 „Persona distincta ab essentia Deitatis.  
 „IV. Qui dicunt, quod Pater sit persona, quaternitatem constituunt, non  
 „vero Trinitatem; assignant enim Essentiam Divinam, Patrem, Filium, &  
 „Spiritum sanctum, cum hæc sola essentia, præcisè Personis, per seipsam sit  
 „verus, & unicus Deus; ut proin sequeretur, quod quatuor ibi Dii forent, seu quaternitas, non autem Trinitas.  
 „V. Mysterium Trinitatis novum est  
 „idolum, Turris Babylonica, Deus Sophisticus, & tres Personæ fictitiæ  
 „in uno solo Deo, qui est quartus Deus hucusque incognitus. VI. Tres dantur  
 „Dii, sicut sunt tres Spiritus. VII. Filius, & Spiritus sanctus sunt minores  
 „Patre; hic enim cuilibet divinitatem a sua diversam contulit. VIII. Sym-

„Symbolum D. Athanasio adscriptum Sæcul. XVI.  
 „omnino Sophisticum est, quia ibi quar- A.C. 1558.  
 „tus Deus introducitur; hic ipse vero  
 „Sanctus nil nisi Magus, & sacrilegus  
 „est, qui Christum dilacerat. IX. Sub-  
 „stantia Patris, & Filii duæ sunt sub-  
 „stantiæ. X. Denique Valentinus Ma-  
 „hometis Alcoranum in tanta habebat  
 „veneratione, ut illum cum veteri, &  
 „novo Testamento conferre non ab-  
 „horreret.,

## §. LVI.

*Gentilis ad revocandos errores in-  
ductus.*

Ceterum ob insulsa hæc dogmata Gen-  
 tilis passim Tritheitarum Parens  
 nuncupari promeruit: postquam vero  
 Seniores Italicæ hujus Ecclesiæ, quam  
 Genevæ conflatam memoravimus, hosce  
 errores latius diffundi compererant,  
 toti in eo desudabant, ut obicem pone-  
 rent calamitatibus, quas per ejusmodi  
 novitates suis Ecclesiis impendere vere-  
 bantur; hinc primo quidem modo ad-  
 modum moderato incedentes fidei ar-  
 ticulos, qui Ecclesiæ doctrinis circa  
 Mysterium Trinitatis consoni erant, con-  
 scribebant, eosque die decima octava  
 Maij Anno Salutis reparatæ millesimo  
 quingentesimo quinquagesimo octavo  
 exhibebant, ut vero, quid de illis Va-